

تۆرك يوردى

ناشرى : تۆرك يوردى .

مىبرى : آق چورە اوغلى يوسف .

۹ اغستوس ۱۳۲۸

۱ يىل

۲۰ سانى

Guy le Strange كى لوسترانز نامنه طهرانده ساتين آلمش ميرحيدر مجنود
بك مخزن اسرارندن ده بر قاچ پارچه علاوه ايتمىدر . بونك نهايتنده كى كتبه
« كتبه على شاه باخشي » يازيليدىر . اويغورجه اترلردن برىسى ده بختيار نامه در .
شمى كله لم بزم اثره :

(پشمى)

نجيب

رسم

نجيب عاصم بك

مصرده چيقان « تورك » غزته سنه بوندن سكر سنه اول يازديم بر مقاله ده
ديشم كه : « صوك زمانلرده استانبولده تورك مليتى ارزو ايدن بر محفل ، سياسى
اولقندن زياده علمى بر محفل تشكىل ايتدى ، بو محفل تشكىلده عثمانلارلر آلمانلر كى مناسبتى
آرتمه سنك ، آلمان لسانه و باخصوص آلمانلر كى علوم تاريخيه و لسانيه حقنده كى تدقيقاته
تورك كنجارلر كى آگاه اوله سنك خيلى تاثيرى اولمىدر ، صانيورم . چونكه بوكنج
محفلده فرانسى پيرولرنده اولدنى كى خيف و كورولتيل اديبات و سياستدن زياده ،
كتومانه ، صبورانه ، مدققانه آلد ايدىلش بر علم متين موجود در . شمس الدين سامى ،
توركجه شعرلر مؤلف محترمى ، نجيب عاصم ، ولد جلبى وحسن تحسين بو محفل كوزمه
كورينين اعضاسى اولوب « اقدام » ده بر درجه يه قدر صروج افكارلريدن [۱] .
شمى بوسطرلره علاوه ايدم جكم ايكي نقطه وار : تورك مليتنه او زماندنبرى چاليشان
محترم ذاتلر آرمسند بروسلى طاهر بك اسى اونودولمىدر ، ثانياً توركيه حيات
فكر يه سنى ده ياقيندن كورمرك آكلام كه عثمانلارده مى تاريخ و لسان تدقيقاته هوس
اويانمى سنك مؤثرلرى آرمسند ، توركلك آلمانجه اوكرمه يه باشلامه لرندن ده مهم
اوله رق ، مجار تاريخ و لسان علماسيله مناسبتلى كوستريك اقتضا ايدىر . عثمانلى
مدققلرى اينجده ، مجار علماسيله اك چوق مناسبتده بولونان ايسه ، نجيب عاصم بك
افندى اولمىدر .

توركيه احوال و وقايعنه دائما نظر تنقيد ايله باقان بر روس مستشرق بيله ، نجيب

عاصم بکدن بحث ایدرکن شویله دییور : «نجیب عاصمک اسمی اوروپا ادبیاتنده مجهول دکادر . تورکیه ده یکی بولنمش عکوکاتی ، یاخود عثمانلیجه نك آناتولی لهجه لرندن بری تعریف ایدر بولده یازیلش مقاله لری ، «Keleti Szemele» مجموعه سننده انتشار ایتکده در . نجیب عاصم ، طول مدت ، وطنداش لرله اوروپا عالم علمیسی آره سننده ربط خلقه لنی ایدن همان یکانه عثمانلی عالمی ایدی .»

بال حسن اوغلی نجیب عاصم بک ، حسن ملی بی اک درین طویان عرقی حدودلردن برنده ، کایسده طوغشدر . عائله سنک منسوب اولدینی صنف اجتماعی (سیاهی بکلکی) ، اوندکی حسن ملی بی ، اجدادینک او اوغورده چکدیکی مشقنلرله قوتلندیرمش بولنیوردی . عاصم بک برعثمانلی سیاهی زاده سنه لایق تربیه و تعلیمی ، عسکر مکتبلرندن آلدی ؛ فقط اونکده قناعتله نمدی : خصوصی معلملردن واز جمله مشهور خواجه تحسین افندی دن هیثات ، تاریخ و فلسفه تعلیم ایده رک دائره وقوفنی توسیع و تعمیق ایتدی .

نجیب عاصم ، مکتب حربیه دن ملازمقله نشأت ایتدکن صوکره ، عسکری معلمک صنفنه آیریلش و او آندن همان بوکونه قدر حیاتی اوقومق ، اوقومتق و یازمق ایله کچیرمشدر . نجیب عاصم بک مختصر بر ترجمه حالی یازمش اولان بهائی افندی ، مکتبی اکلندن صوکره کی حیاتی شویله بیان ایدر : «مع التأسف کورمکده اولدیغیز برطاقم کنج محرر لر کی همان مکتبه علی الاصول صنف آرقداش لرله برابر دیکله دیکی - اوت برابر دیکله دیکی - مقدمات علوم ایله اکتفا ایده رک داعیه شهرتله چاله قلم اثرلر وجوده کتیرمک هوسنده بولونانلر کی بزم محقق فاضل دخی دریای هوساته دالایوب اصل تحصیل و تبعه مکتبدن صوکره باشلامشدر .»

بهائی افندی حقلیدر : نجیب عاصم بک مکتبی بتیرر بتیرمز ، بعض آرقداشلری کی کتابلری یاقادی ، تحصیل و تبعی یاریده براقادی ؛ فقط برطرفدن تحصیل و تبعه بولنقله برابر ، دیگر طرفدن بیلکی به شدت احتیاجلری پک ای بیله دیکی وطنداشلری علمندن استفاده ایتدیرمکده ده چوق کچکمدی . مکتبک صوکره سنه سندن اعتباراً ، او زمانلر احمد مدحت افندی اداره سی آلتنده چیقان «ترجمان حقیقت» ه فی مقاله لر یازمایه باشلامشدی . «اقدام» تأسیس ایدیلدیکی وقت ، نجیب عاصم بک هیأت تحریریه سی میانه داخل اولدی ، وابتدای تأسسند تورککرنکی ایدن ای به کوزه چاربان بو جریده ده - یه بهائی افندی دن آلییورم - : «مباحث استشرقیه ایله علم موضوع الکتب و فلسفه لغویه و سائر مقالات محققانه یازه گلش» ، و محررلکنک مبادیسی «بحثه مقتدر اولدینی مباحثی او فنک ارباب اختصاصنه حقیقه» بکندیرمک صورتیه باشلامش ، کیت کیده محصول مساعیسی ده اوربه آرتهرق فضلی اسلامی و مستشرقین اوروپاییه میانه بوکونکی حائز اولدینی درجه» به واصل اولمشدر .

برروس مستشرقندن آلوب یوقاریده ذکر ایتدیکنمز سوزلردن ده آکلاشیلورکه نجیب عاصم بکک اسمی اوروپا مستشرقلرینه معلومدر . پشته نك «Keleti Szemele» «Revue Ouralo-Altaïque» ندن باشقه پاریسك «Journal Asiatique»

نده دخی نجیب عاصمك بعض مقاله لری انتشار ایله مشدر . حتی فرانسزلرك «Société Asiatique» ی ، یعنی «آسیا جمعیتی» ، بوتورک عالمی ۱۸۹۵ سنه سی (هجری ۱۳۱۱) اعضا لری آره سنه انتخاب و قبول ایده رك قدر دانلغنی کوسترم مشدر ، بهائی افندی ، نجیب عاصم بكك آوروپا نظر نده کی موقع احترامی ارانه ایچون شونلری ده قید و علاومه ییوره : « آسیا جمعیتك رئیس و بعض اعضا ممتاز ه سی طرفدن میرمومی الیه کان مکتوبلرده قولاندقلری تعیرات احترامکارانه ، حائز اولدینی فضل و کالاک الشجری برر شاهیدیر . لسان عثمانی حقنده کی آثار محققانه لرندن دولای ۱۸۹۲ (۱۳۰۸) سنه سنده کشاد ایديلن شیکاگو سرکیسندن برمدالیه ایله برده شهادتنامه یه نائل اولشلردر . »

نجیب عاصم بكك فنونه ، عسکرانكه ، تاریخه و علم لسانه متعلق یکریمی متجاوز مطبوع اثر لری واردر . بز بواثرلردن یالکز تورکولوژی یه مناسبتی اولانلری صاباجقز : « سیتلر » ، « یکی ترتیبده مختصر عثمانی صرق » ، « مختصر عثمانی نحوی » ، « مکمل صرف ونحو عثمانی و کتابت » ، « اورال و آلتای لسانلری » ، « بك اسکی تورک یازیسی » ، « تورک تاریخی » .

نجیب عاصم بك ، جریده و مجموعه لرده تورکجه و فرانسزجه یازدینی مقاله لرله و برده « اقدام » صاحبك تورکلكه متعلق آثار قدیمه یی احیا ایتمه سنه دلالت ایله مکلدرکه اصل تورکولوژی یه خدمت ایتمشدر . تورکلكه خدمتی ایسه ، اوروپای تورکولوغلرك تحقیقات و کشفیاتلری نتیجه لری تورکاره نقل ایتمه سننده و علی الخصوص « تورک تاریخی » فی ترجمه ، تألیف و نشر ایله مه سننده در .

نجیب عاصم ، « تورک تاریخی » فی میدان قویارق ، بوتون تورکلرك « بر تاریخی ملت » اولدینی اظهار و اثبات ایئدی . « تورک تاریخی » عثمانی تورکلرك ملی ادبیات تاریخیه سننده حالا برنجی موقعی طوتار . بن ، دیگر خدمت لری هیچ اولامش اولسه یدی بیله ، عثمانیلر و بلکه ده عموم تورکار آره سننده ایلک بوتون تورک تاریخی مؤلنی اولقی شرفی ، نجیب عاصمی تورک محرر لری آره سننده ابدیاً یاشاتمه یه کفایت ایدردی ، طننده یم .

نجیب عاصم بك افندی ، ایوم ، عثمانی اردوسنك میرآلایق رتبه رفیع ه سنی و عثمانی سلطنتك عثمانی و مجیدی نشان ذیشانلری حائزدر .